



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一二九

阿字無禪師光宣臺集二十五卷

釋今無撰

一

儲遜菴文集十二卷附墓誌銘一卷

儲方慶撰

三八五

甌香館集十二卷首一卷末一卷

惲格撰

五八九

光宣臺集序

卜梁倚有聖人之才而無聖人之
道女偶有聖人之道而無聖人之
才夫有道無才則法海之波瀾不
大有才無道則意地之根本不清
波瀾不大猶未礙源流根本不清

光宣臺集序

卽速趨塗炭此潛修之士所爲輕
視才而重視道也雖然道外非才
才非道外菩薩之行願不極深純
卽般若之光明不極圓現天下安
有無才之道乎我法兄阿字無和
尚得道於天然老人間以其才溢

爲筆墨幾於排山倒海浴日吞天
予嘗私語以爲雷峯門下固稱才
藪卽其所至皆已卓然有成若夫
氣格雄傑思理深長入境都盡出
路愈多山巔已陟海濤忽作勢欲
斷而仍連義將顯而更隱予以推

光宣臺集序

一

兄不爲他人輕屈一指也學士大
夫埋頭故紙數十年所造有至有
不至兄幼而遭亂失學自十七歲
始侍老人執役之餘篝燈自力大
法旣明世出世典一目洞然探幽
接爽爭奇競秀專車之骨節節明

璫燒尾之雷聲聲天鼓皆不從伊
吾講貫而得之豈非多生所蘊之
才發於一旦自聞之道之驗耶才
有二或偏於立功或偏於立言則
杜甫卓午之笠讓績鄭公韓琦無
口之瓢歸文永叔矣兄經營土木

光宣臺集序

三

量度米鹽酬酢公卿調攝僧行晝
夜不遑尺寸不失而尋丈以計毫
素日長此一異也言有二或以手
爲口或以口爲手樂令之清談潘
生之文筆用不能兼勢須相借兄
說法則草靡衆喙論事則風生四

座奮舌而出燦然成篇援毫而書
快如面語又一異也然則具萬夫
之稟爲古今之通人以道發才以
才發道行鋒車於八達之塗直趨
寶所予昔爲兄屈一指今旣信矣
二祖少通墳典兼擅老莊清涼才

光宣臺集序

四

供二筆灌頂日誦萬言法眼於講
席推爲游夏皆以鼓吹宗教而用
文集傳者鐔津石門或鮮內篇要
以法無內外因時立度則光宣一
集置之一大藏中華嚴十地而上
真俗已圓事理咸化讀者當自得

之言中言外予所論不出於文亦
不取其出於文德成而上藝成而
下皆二見也釋迦四十九年惟鼓
舌端稱爲文佛天上無不識字之
仙寧有不能文之佛兄之著述無
盡予之讚歎亦無盡故爲波瀾不

光宣臺集序

五

大者加菩薩願行之鞭不爲根本
不清者助世智辯聰之難也雖然
世智辯聰與大般若光明果有二
乎倘能親到一回更不稍生顧盼
則街談俚唱鳥啼花開皆四無礙
辯之所縱橫懸示聖人之道聖人

之才或有或無一輕一重總爲二
見始堪與此集俱入不可思議法
門耳

同門弟丹霞今釋和南謹題



光宣臺集序

六

阿字無禪師光宣臺集目錄

卷一

法語

卷二

法語

卷三

法語

卷四

法語

光宣臺集

目錄

卷五

序文

卷六

序文

卷七

序文 記 論 說

卷八

書

卷九

書

卷十

跋 塔 銘

卷十一

讚

卷十二

題 頌 偈 銘

卷十三

頌 古

光宣臺集

目錄

卷十四

佛事

卷十五

五言古 七言古

卷十六

七言古

卷十七

五言律

卷十八

五言律

卷十九

五言律

卷二十

七言律

卷二十一

七言律

卷二十二

七言律

光宣臺集

目錄

卷二十三

七言律

卷二十四

排律 五言絕 七言絕

卷二十五

七言絕

阿字無禪師光宣臺集目錄終

三

阿字無禪師光宣臺集

阿字無禪師光宣臺集卷一

門人 古正 全編 古雲

海幢癸卯元旦師陞座衆禮畢師云靈山會上迦葉親聞卓拄杖一下云諸兄弟今日還聞麼少室峯前神先得髓以拂子畫一畫云諸兄弟今日還得麼若得若聞大好新年頭佛法其或未然一年三百六十日唯有今日最吉祥便請全身領受具足承當若待他人搖唇鼓舌自己向意根下卜度

光宣臺集

卷一 法語

一

縱撒珍珠鋪錦繡亦無消受處聞聲悟道見色明心者箇知見好與破糞箕禿若簪舊年昨日拈向一邊所謂此法非見聞覺知若行見聞覺知斯則見聞覺知非此法也諸兄弟眼不必主見耳不必主聞若要會此法分明舉似君何故不見道若無舉鼎拔山力千里烏雕不易騎復舉大慧禪師歲旦云去年今日也只是者箇前年今日也只是者箇先年今日也只是者箇外先年今日也只是者箇明年今日也只是者箇後年今日也只是者箇

五

外後年今日也只是者箇更外後年今日也只是者箇且道者箇是甚麼自云元正啓祚萬物咸新隨時納祐慶無不宜更喝一喝云俗氣不除諸兄弟大慧雖則知法識忌未免攫金不暇見人若是海幢門下則不然去年今日者箇是甚麼碗踑丘前年今日者箇是甚麼碗踑丘先年今日者箇是甚麼碗踑丘外先年今日者箇是甚麼碗踑丘明年今日者箇是甚麼碗踑丘後年今日者箇是甚麼碗踑丘更外

光宣臺集

卷一 法師

二

後年今日者箇是甚麼碗踑丘爲甚如此童牙近大人不作窳酸態下座海幢浴佛日師陞座衆禮畢師云不辨前三與後三指天徒自口喃喃分明一掬沉香水已透娘生鼻汗衫諸兄弟作麼生說箇透底道理莫是言說所說是透底道理麼教中有云大慧菩薩白佛言世尊爲是言說是第一義爲是所說是第一義佛告大慧非言說是第一義亦非所說是第一義何以故謂第一義聖樂言說所入是第一義非言說

是第一義第一義者自覺聖智所得言說妄想覺境界是故言說妄想不顯第一義釋迦老子點胸點筋說道天上天下惟我獨尊豈非是言說所說且道還有第一義也無若言有則沒他先聖若言無又負已靈諸兄弟者裏作麼生得透去作麼生得言說所入作麼生是自覺聖智夏中無事不妨參取下座

光宣臺集

卷一 法師

三

海幢結夏師陞座衆禮畢師云古人道熟處要教你生生處要教你熟諸兄弟熟處具足有生底消息生處不許有熟底意味如今春去夏來學人遊山歷水要住便住要去便去乃至意之所向身業成就者箇是學人熟處護生禁足百日安居剔微慮於心頭較輕愆於方寸免墮凡情克成聖志得迦綈那衣行五事便利者箇是學人生處諸兄弟作麼說箇熟處具有生底消息莫是卽具者箇生底麼若恁麼猶是熟處驀卓拄杖云諸兄弟你若不具者箇生底消息今日教誰安居誰堪參學又誰是打失鼻孔來底若生處稍有熟底意味則轉

非真轉依前世諦流布喚作茫茫業識無本可據
所謂一毫情未盡未免驢胎馬腹諸兄弟鬧聲叢
色大好一箇安居之場祇是當人不肯你若縑素
不得平白地向人取話頭去叅平白地要生起疑
情者箇心識慣弄何曾離得熟處你若縑素不得
直饒五篇堅固七聚莊嚴正喚作守株漢稍生我
慢便落邪途何況胡言寐語假稱知識名竊法王
行劣商賈大妄語成得地獄業阿上座與諸兄弟
於此僧伽藍兩番同夏要降鏡裏無盡魔軍要作

光宣臺集

卷一 法語

四

夢中無邊佛事今日事不獲已立地三尺爲諸兄
弟說話諸兄弟若念蔓草滿庭野干遍地不妨借
箇時節發大心大行直趨最上如摸神龍直批其
領名真安居名真護生非生熟言句所能詮釋諸
兄弟且道生熟言句不能詮釋處畢竟合作麼生
舉似好良久云肝腸幾度冷還熱誰可披襟話寸
衷下座僧出禮拜問云大地山河無寸土將那箇
作底師云今日尊客在座沒有工夫說得僧進前
三步退後作禮師不顧

海幢五月朔師陞座衆禮畢師云禁足未兩旬又
是五月朔若要重商量特地生頭角母陀羅臂擒
龜繩斃伽神女早被縛驀卓拄杖一下云諸兄弟
覺不覺優波離與水上座破夏走入三眼國路上
踏碎古罽醯沒有一箇知痛癢底

海幢六月朔師陞座衆禮畢僧出禮拜問云一夏
以來未聞法要師云要聞甚麼法要進云請師指
示師云禮拜着僧禮拜歸衆師卓拄杖一下云諸
兄弟恁麼會得千足萬足復卓一下云諸兄弟恁

光宣臺集

卷一 法語

五

麼會得千曲萬曲空裏無花水中無月採之撈之
畢竟手眼二俱有過六門鑑覺不是家珍向上翻
身猶爲病語諸兄弟據實而論有甚麼得與不得
命根有甚麼斷與不斷手有甚麼撒與不撒如今
有一千學得氣似癡龍三拳兩掌儘自不少只是
箇弄死蛇漢有甚麼眼目反將自己本有之性弄
成心境轉加懸遠不見教中道若有一法過於涅槃
我說皆如夢幻諸兄弟者裏分疏不得則決建
立一切頭重尾輕靈山上者朶青蓮教誰出手扶

起所謂轉頗黎妙寶鏡而歸銅鐵之明以閤浮檀
明淨真金同瓦礫之價切不可謬相辜負大陽玄
禪師云諸禪德須明平常無生句妙玄無私句體
明無盡句第一句通一路第二句無賓主第三句
兼帶去一句道得師子嚙呻二句道得師子趺躅
三句道得師子踞地縱也周徧十方擒也一時坐
斷正當恁麼時作麼生通箇消息若不通得箇消
息來朝更獻楚王看諸兄弟大陽可謂僧繇丹青
嬌嬈畢露若在海幢門下饒舌上座則不然我者

光宣臺集

卷一 法語

六

裏家貧難辦素食事忙不及草書有甚麼三句兩
句縱也只是毵毵毵擒也亦只是毵毵毵到
者裏更有甚麼消息可通若無消息可通大家無
事歸堂下座

海幢七月朔師陞座衆禮畢師云盡卻者白月十
五日便是解夏解夏易求箇坐夏底道理作麼生
教中云佛子成就難得心修菩薩行時不說二乘
法不說佛法不說世間不說世間法不說衆生不
說無衆生不說垢不說淨何以故菩薩知一切法

無染無取不轉不退故尋常波波挈挈且道是世
法是佛法夏去秋來且道是退轉不退轉難得底
心又如何成就以拂子左右拂云諸兄弟聽事不
真喚鐘作甕虛空挖窟多凶少吉莫言不道下座
海幢解夏師陞座衆禮畢良久云迷是迷悟時底
悟是悟迷時底衲僧分上迷悟且置阿修羅將太
虛空捏作餠餅要問南閻浮提衆生向甚麼處下
口卓拄杖一下云諸兄弟還委悉麼此事威音王
前然燈佛後不得有些子消息若無些子消息則

光宣臺集

卷一 法語

七

攪長河爲酥酪變大地作黃金無邊剎海自他不
隔一毫端十世古今始終不離於當念者箇是當
人無量方便莊嚴三昧大解脫門蕩爾頓開之時
在聲色中困眠聲色中坐臥喚作騎聲蓋色漢所
以古人道卽此見聞非見聞無餘聲色可呈君箇
中若了全無事體用何妨分不分豎拄杖云還見
麼卓拄杖云還聞麼者箇是見聞那箇是非見聞
非見聞拄杖子有分與諸兄弟無干見聞諸兄弟
有分與拄杖子無干諸兄弟若是拄杖子不妨擲

地企聲拄杖子若是諸兄弟便請同入普賢境界
然後盡十方三世一切衆生如是心思如是念慮
如是警咳語笑如是喜如是怒如是哀如是樂如
是折旋俯仰如是作如是受如是福報如是業果
如是結業如是懺摩不須噴嚏一聲三門前土地
與金剛指背一擦骨出雖然如是且道是九十日
內事是九十日外事若簡點得出許爾受迦絺那
衣五事便利其或未然少林晏坐客不是壁觀婆
羅門珍重下座

光宣臺集

卷一 法部

八

海幢長至日師陞座衆禮畢師云譬如眼光不自
見眼譬如虛空不自說空諸兄弟直饒牛頭沒馬
頭出猶較金剛七步在今日隨順世間赴箇時節
莫言不道下座

海幢臘八日師陞座衆禮畢師云釋迦老子云一
切衆生具有如來智慧德相但以妄想執着不能
證得諸兄弟喚甚麼作智慧德相又喚甚麼作妄
想執着豎拂子云者箇是智慧德相討一點妄想
執着消息不可得復豎拂子云者箇是妄想執着

討一點智慧德相消息不可得還知麼所以古人
道會則途中受用不會則世諦流布又云得之者
妙用無虧失之者觸途成滯衲僧家一條鐵骨梁
一雙竈相手志氣不冲天反落他人後若於此會
得以之發菩提心以之修菩薩行以之莊嚴正見
以之坐消劫運易熱惱爲清涼易喧呶爲寂靜易
困厄爲解脫易苦爲樂易短爲長有如是自在有
如是神力然後不捨五濁而興佛事如彼世間負
大才力不遇盤根錯節無以發其利器教中云若

光宣臺集

卷一 法部

九

有諸菩薩不厭生灰苦修於菩提道則無有所壞
李長者謂卽生灰苦爲菩提道則無能壞若離生
灰苦發菩提心修菩薩道則爲涅槃染淨二障所
壞爲是非二見斷常所壞驀卓拄杖云諸兄弟壞
與不壞卽且置且道釋迦老子眼光今日畢竟落
在甚麼處復卓拄杖云會麼菩薩等於佛覺悟諸
群生正覺覺世間諸佛之所來菩薩如是來復卓
一卓下座

海幢除日師陞座衆禮畢師云今年三百六十日

向今日止明年三百六十日向明日起起止之道
無有休息且道緣壁上天台底燈籠還會與諸兄
弟通箇消息麼記得古人云去年貧未是貧今年
貧始是貧去年貧有卓錫之地今年貧錫也無他
當年焚書入山知盡餅不可充饑者段氣宇猶較
些子復露此窮酸寒儉玃錙銖殊乏大人之相
海幢門下則不然去年積得千擔籠侗今年積得
萬石預顛要使諸兄弟一箇箇手乾腳淨不掛一
絲法身骨律不敵一粒腹常果然不是神通妙用

光宣臺集

卷一 法語

十

亦不是法爾如然諸兄弟還委悉麼以拂子作圓
相云如無幸還有者箇普同供養在下座
是夕大衆請茶話師云古人護叢林如護眼睛叢
林是衲子所聚之地道法所從出之地若無叢林
則衲子無由而聚道法無由而興所以護叢林者
護道法也海幢者箇叢林無有恒產百事草創一
歲中大小職事勞心者勞心勞力者勞力各各辦
事無有懈怠此是各人饒益行願本當如是今夜
不免爲諸兄弟說幾句陳腐說話以當蔬菓諸兄

弟流光迅速一歲之中何所不有勞者自勞死者
自歿喜怒哀樂變體出家人見得生死事大
從生處上發心始能拚卻身心捍勞忍苦若不從
生處上發心決在者裏立腳不得且作麼生喚做
生死事大你想如今年已幾多歲從未生來閻浮
已前從甚處來若不知來處喚作生大如今或已
年二三十歲或五六十乃至百歲明日歿了燒了
又向甚處處去若不知去處喚作歿大如今人都
是伶俐底譬如童子時父母教他讀書則九經十

光宣臺集

卷一 法語

十一

七史都讀得精透父母教他學諸伎術則百工伎
藝亦都學得精透就如出家人要去閒靜去偷安
身心百般思惟百般計較不須人教都自曉了祇
是教他識得生死去來處便似前日來底暹羅國
人聽廣東鄉談就不知說箇甚麼真箇是難諸兄
弟者一件事不在深遠祇要你辦得肯心若辦得
肯心取條燈心草擔了須彌山走到非非想天有
甚麼難當時二祖神光大師據講席有年感得釋
梵獻花後來聞得達磨大師在少林寺便去叅謁

乃至雪沒其腰諸兄弟者箇是二祖頭一箇肯心底去處立了三七日達磨大師罵他輕心慢心他便潛去取一張利刀截下左臂置達磨之前諸兄弟者箇又是二祖頭一箇肯心底去處如今人只疑者件事有甚麼傳授有甚麼奇妙耳裏聽得口裏念得殊不知不然你若肯得一分便悟得一分肯到十二分便悟到十二分二祖大師有了者兩肯更不須等到與達磨睂毛厮結時便如韓信破釜沉舟已有全勝底消息你看他纔問達磨曰諸

光宣臺集

卷一 法師

十二

佛法印可得聞乎達磨曰諸佛法印不從人得達磨雖是平買平賣然已知者箇漢子不是忉怛得底了所以二祖佢是箇肯了底人就知轉變更不向外求卽曰我心未寧乞師與安若是箇偷心重底聞前一句早已落了坑坎還問得出者句來達磨大師亦更不向佢說奇特話亦不行棒亦不施喝祇荅他曰將心來與你安完完全全成就他一箇千肯萬肯底心故此他便說覓心了不可得荅曰我與汝安心竟佢便諦信無餘深得骨髓諸兄

弟肯字是當人解脫之場是當人休歇之地祇是於中容一毫知見不得平常是知見舉起便會是知見奇特會是知見玄妙會是知見所以道醍醐毒藥一道而行你若定動一下便全副是建立不肯黑風吹船墮羅刹鬼國去了又昔盤山寶積禪師一日立在市頭上見買猪肉人對屠戶說云精底切一塊來屠戶放下刀叉手曰長官那一塊不是精底佢便大悟諸兄弟你道在甚麼處悟莫是佢在那一塊不是精底上悟麼好沒交涉偷心重

光宣臺集

卷一 法師

十三

底人專去替人七穿八鑿說道者那一塊不是精底道理何等現成青青翠竹盡是真如鬱鬱黃花無非般若如此見解十隻拈起有五雙你還要知道盤山麼佢在未聞者一句之前心上已肯了又肯肯心堅固到此不覺展折所謂時節旣至其理自彰耳不能奉父不能獻君此之謂也今無往年在各處行腳長連單上聽人說禪就似鋪上蒸鬆糕底有箇印印定第一要教人在拈推豎拂處會會了要放下喚做踏倒化城踢翻寶所者回便一任

到處亂撞喚作悟了同未悟到替人說法便說出一段七寸三分頭巾說話真亦說佢不得假亦說佢不得好亦說佢不得醜亦說佢不得到尾引兩句似詩非詩湊花湊錦話蓋住以爲出脫若聞見人說平實語便又叫做落草盤桓不是機鋒相見引得一干禪和子一个个似吃了蒙汗藥一般纔惹着他便東喝西喝動手動腳總不知是甚麼指謂真令人慨歎諸兄弟你要知宗師門下馳鋒走電棒喝交加底意麼不過讚成人一箇肯心而已

光宣臺集

卷一 法師

十四

豈是釘裝搖膀佢善說底人道火幾時燒口教中有箇波斯匿王認死了斷滅以斷滅爲涅槃世尊在佢變滅之中替佢指出箇不變滅之性教佢自肯自證佛言大王今復問汝汝今肉身爲同金剛常住不朽爲復變滅波斯匿王曰我今此身終從變滅佛言汝未曾滅云何知滅荅曰世尊我此無常變滅之身雖未曾滅我觀現前念念不停新新不住如火成灰漸漸銷殞殞亡不息決知此身當從滅盡又曰我昔孺孩膚腠潤澤年旣長成血氣

充滿如今頽齡逼於衰暮顏色枯悴精神昏昧髮白面皺殆將不久又曰變化密移我誠不覺寒暑遷流漸至於此我年二十雖號年少顏貌已老初十歲時三十之年又衰二十乃至如今六十有二觀五十時宛然強壯又曰我見密移雖此徂落其間流易且限十年若復令我微細思惟其變寧爲一紀二紀豈爲年變兼又月化何直月化且又日遷沉思諦觀剎那剎那念念之間不得停住故知此身終從變滅諸兄弟波思匿王信得變滅如此

光宣臺集

卷一 法師

十五

確當如此明白適來道在生歿上發心正要學他如此信得歿及信到如此則念念灰冷無有餘想便是全身裏許所少者只不會如盤山聽見那一塊不是精底此一時消息而已故佛又指他汝見變化遷改不停悟知汝滅亦想滅時遷改汝身中有不滅耶荅曰不知佛曰吾今示汝不生滅性大王汝年幾歲見恒河水荅曰我生三歲慈母攜我渴耆婆天經過此流爾時卽知是恒河水佛言如汝所說二十之年衰於十歲乃至如今六十有二

日月歲時念念變遷則汝三歲觀此河時至年十
三其水云何荅曰與三歲時宛然無異乃至如今
六十有二亦無有異驀豎拄杖云者箇無異底波
斯匿王信得及現前大衆亦信得及拄杖子亦信
得及爲甚麼了不得大須着精彩始得佛又言汝
今自傷髮白面皺汝面必定皺于童年則汝今時
觀此恒河與昔童時觀河之見有童髦不荅曰不
也世尊佛言汝面雖皺而此見精性未曾皺復豎
拄杖云黃面老子沒意味者裏却不許認着又曰

光宣臺集

卷一 法語

十六

皺者爲變不皺非變變者受滅彼不變者原無生
滅云何於中受汝生滅復豎拄杖云者裏却不許
認着你若認着則全肯全不肯全是全不是涅槃
有云非色法者是心心數法名爲無常何以故性
是攀緣相應分別故者裏大有諍訛好多分疎不
下古人云記得當初畫模則幾翻紅又幾翻黑亦
是者些子分疎不下三登投子九上洞山亦是者
些子分疎不下坐破七箇蒲團叅了七十二員善
知識亦是者些子分疎不下諸兄弟還有分疎得

下者麼良久云如無待你辦得肯心明年與你了
此葛藤

海幢甲辰元旦師陞座衆禮畢師云瑞草生嘉運
林花結早春今年還吉慶萬象又維新諸兄弟新
非新之新因舊故新卓拄杖右邊一下云向者邊
透得人人腳踏毘盧箇箇腰纏十萬諸兄弟舊非
舊之舊因新故舊卓拄杖左邊一下云向者邊透
得不須挖地覓天便請和泥合水所以道一切但
仍舊從上諸聖無不從仍舊中得今日海幢上座

光宣臺集

卷一 法語

十七

亦從仍舊中與諸兄弟說箇維新底道理良久云
一氣不言含有象萬靈何處謝無私僧出衆問云
無遮大師今日說真法要大衆會中得未曾有惟
願開示未悟師云今日第一問無有不吉祥僧便
歸衆又一僧出問云煩惱般若從何分別師云你
要分別麼進云求師指示師云適來道瑞草生嘉
運林花結早春耳朶在甚麼處進云恁麼則無分
別也師云總是闍黎身上事僧念佛歸衆便下座
海幢四月初八日師陞座衆禮畢師云諸兄弟釋

迦老子未生已前各人腳跟下一條大路絕回互
沒周遮不向者裏承當俱名鈍漢諸兄弟還知麼
若向者裏承當得廓清五蘊洞徹十方不爲分外
舉日月不足以喻其明舉江河不足以譬其大軼
王侯而不爲貴混勞侶而不爲賤塵塵爾刹爾
纔若如何俱名變異只爲你一種擔土填井底漢
坐失其利粗者迷於事細者鈎於理貴買硃砂去
畫明月賤持龍泉來斫黃土直饒釋迦老子離了
睹史多天降生刹利王宮放大光明照無量土金
光宣臺集

卷一 法語

十八

蓮捧足師子吼聲要少爲你佐助發機不得雲門
大師要一棒打殺圖取太平你亦當實法會去所
以道善言者言所不能言善述者述所不能述不
能言則無言不能述則無迹無迹無言且不是手
中扇子踈跳上三十三天觸着帝釋鼻孔東海鯉
魚一棒打翻血似盤傾畢竟合作麼生舉似幕卓
拄杖云諸兄弟還見麼過去燈明佛本光瑞如此
下座

海幢四月十六日結夏師陞座衆禮畢師云三轉

法輪於大千其輪本來常清淨人天得道此爲證
三寶於是現世間卓拄杖三下云諸兄弟法輪已
三轉竟作麼生說箇現底道理莫是如天普蓋似
地普擎是現底道理麼正好朝打三千暮捶八百
莫是高處高平低處低平是現底道理麼我王庫
內無如是刀所以此事非伶俐衲僧出格道流鮮
有共語處阿上座與諸兄弟於此僧伽藍三番同
夏其中去底去住底住有去而復住有住而復去
有長去不住有長住不去所謂降鏡裏魔軍作夢
光宣臺集

卷一 法語

十九

中佛事合此去去住底人求其降底消息作底
功勳了不可得豈非衲僧一大缺少處麼雖然如
是然無事外之理理外之事不見道智海無性因
覺妄而成凡覺妄原虛卽凡心而見佛你左之右
之一箇絕好大圓覺爲你僧伽藍身心安居平等
性智又你昨日瞌睡時須彌燈王已爲你證據了
也海幢上座更不獲已借箇時節拈一莖草欲建
一座瓊樓玉殿去諸兄弟還有佐助者麼卓拄杖
云將此身心奉塵刹是則名爲報佛祖復舉昔有